

Javni poziv za podnošenje prijave za procjenu jedinica lokalne samouprave i stjecanje certifikata zajednica naklonjena mladima

Oznaka poziva: 21.04.1-N2.1-1389

Naziv poziva: Javni poziv za podnošenje prijave za procjenu jedinica lokalne samouprave i stjecanje certifikata zajednica naklonjena mladima

Datum objave poziva: 19.11.2024. godine

Rok: 27.12.2024. godine

Inicijativa Lokalne zajednice naklonjene mladima namijenjena je jedinicama lokalne samouprave (u daljem tekstu lokalne zajednice) u Bosni i Hercegovini s ciljem prepoznavanja napora u polju provedbe politika prema mladima. Kroz inicijativu bit će omogućeno certificiranje jedinica lokalnih samouprava prema uspjehu provedbe politika prema mladima (zakona, mjera, programa i aktivnosti) koje lokalnu zajednicu čine kvalitetnom za život mladih.

Zašto aplicirati? Kroz ovu inicijativu lokalne zajednice će imati priliku da unaprijede svoj rad sa mladima, a na osnovu preporuka i prijedloga koji će biti upućeni svakom aplikantu. Uspjesi lokalnih zajednica će biti promovisani široj javnosti kroz nekoliko aktivnosti te će biti predstavljeni kao primjeri dobre prakse. Na kraju, zajednice koje budu ocjenjene da imaju 75% ili 100% naklonjenosti mladima će dobiti i posebno priznanje Lokalna zajednica naklonjena mladima.

Mladi su najveći resurs svake lokalne zajednice, a da bi se taj resurs razvijao neophodna su ulaganja koja značajnim dijelom dolaze i od strane institucija vlasti. Mnogobrojni su primjeri gdje lokalne zajednice širom Bosne i Hercegovine ulažu u poboljšanje položaja mladih kao i oni gdje je primjetna motivacija za napretkom i daljim razvojem na polju rada sa mladima. Ukoliko je vaša lokalna zajednica jedna od onih koja želi ulagati u mlade, razvijati svoje kapacitete i unaprijediti položaj mladih u zajednici ovaj poziv je za vas.

Ovu inicijativu provodi Institut za razvoj mladih KULT u partnerstvu sa krovnim organizacijama mladih Vijeće mladih Federacije BiH i Vijeće/savjet mladih Brčko distrikta BiH.

Procjena uspjeha provedbe politike prema mladima definisana ovim Javnim pozivom se odnosi na rad lokalne zajednice u 2023. godini.

I – Sadržaj javnog poziva

Ovaj Javni poziv sadrži sljedeće oblasti:

- Mogućnost prijave
- Način procjene pristiglih prijava
- Odluka o dodjeljivanju certifikata i opis certifikata
- Rokovi i tehnička priprema prijave
- Pitanja o Javnom pozivu

II – Mogućnosti prijave

Na ovaj Javni poziv pravo prijave imaju sve jedinice lokalne samouprave u Bosni i Hercegovini.

III – Način procjene pristiglih prijava

Postupak procjene pristiglih prijava provodit će se kroz pregled dostavljene dokumentacije, procjenu ispunjavanja kriterija i evaluaciju standarda kvaliteta lokalnih politika prema mladima kroz 8 utvrđenih područja i to:



1. Učešće mladih u odlučivanju
2. Zapošljavanje i samozapošljavanje mladih
3. Mobilnost i informisanje mladih
4. Podrška radu sa mladima
5. Kultura i sport mladih
6. Socijalna briga za mlade i zdravlje mladih
7. Formalno i neformalno obrazovanje mladih
8. Podrška demografskom razvoju

IV – Odluka o dodjeljivanju certifikata i opis certifikata

Odluku o dodjeli certifikata donosi Komisija za dodjelu certifikata. Komisija donosi odluke na osnovu Pravilnika o radu Komisije za dodjelu certifikata Zajednicama naklonjenih mladima i Odluke.

Komisija dodjeljuje certifikat jedinicama lokalne samouprave u skladu sa uspjehom ispunjavanja uslova raspisanih javnim pozivom. Jedinica lokalne samouprave može dobiti certifikat za:

- **25% naklonjenosti ka mladima - Zajednica u kojoj žive mladi**

JLS ulaže napore da osigura bolje uslove za mlade u zajednici. Učinjeni su početni koraci i sada je vrijeme da se mladi uključe u procese odlučivanja te kreiraju dodatni programi za mlade.

- **50% naklonjenosti ka mladima - Zajednica koja prepoznaje potrebe mladih**

JLS je poduzela prve korake za unaprijeđenje položaja mladih u zajednici. Uspostavljeni su programi koji pokrivaju oblasti od interesa za mlade i pokazana je transparentnost u donošenju odluka koje su bitne za mlade. Mladi su informisani i sada je vrijeme da zajednica uključi mlade u procese odlučivanja i kreira dodatne programe.

- **75% naklonjenosti ka mladima - Zajednica koja kreira sistem podrške za mlade**

JLS je značajno unaprijedila sisteme podrške za mlade u zajednici. Mladi su uključeni u procese odlučivanja. Uspostavljeni su programi koji ne proizilaze samo iz zakonskih okvira već su dio prepoznatih potreba mladih u zajednici. Preostaje naredni korak, a to je uvažavanje potreba mladih koje proizilaze iz istraživanja, a koje će biti pretočene u programe.

- **100% naklonjenosti ka mladima - Zajednica naklonjena mladima**

JLS je napravila veliki iskorak i opredijelila se na uspostavljanje systemske podrške mladima u zajednici. Mladi u ovoj zajednici su prepoznati, učestvuju u procesima odlučivanja, a JLS podržava razvoj punog potencijala mladih. Ova zajednica je šampion i mladi rijetko napuštaju zajednicu.

Jedinicama lokalne samouprave koje su ostvarile određeni postotak certifikat za taj postotak će biti dodijeljen na period od dvije godine.

Komisija će na zahtjev načelnika/gradonačelnika jedinice lokalne samouprave za produžetak trajanja certifikata ponovo izvršiti procjenu standarda kvalitete lokalnih politika prema mladima nakon isteka 2 godine.

Za produžetak trajanja certifikata jedinica lokalne samouprave mora zadržati u najmanjoj mjeri ranije zadovoljenu razinu certifikata.

Jedinica lokalne samouprave može na prvom narednom javnom pozivu za dodjelu certifikata aplicirati za veći procent naklonjenosti mladima, a ukoliko smatra da je unaprijeđena provedba politika prema mladima u periodu između dva javna poziva.

V – Rokovi i tehnička priprema prijave

Prijave se dostavljaju elektronski, popunjavanjem upitnika na linku <https://d84g.short.gy/ins>. Više uputa o pristupanju i popunjavanju upitnika možete pronaći u dokumentu „Upute za pristup upitniku iz Javnog poziva“.



Prijava se sastoji od sljedećih dokumenata:

- Ispunjen obrasci za svih osam oblasti sa popratnom dokumentacijom

Popratna dokumentacija se dostavlja direktno na linku za svaku od oblasti i za svako pojedinačno pitanje unutar oblasti. Sva dokumentacija treba biti imenovana kako je to navedeno ispod pitanja u samom upitniku.

Procjena uspjeha provedbe politike prema mladima definisana ovim Javnim pozivom se **odnosi na rad lokalne zajednice u 2023. godini**. Dakle, dokumentaciju koju dostavljate se odnosi na onu iz 2023. godine.

Rok za podnošenje aplikacije je 27.12.2024. g. do 23.59 sati.

Nepravovremene i nepotpune prijave neće se uzeti u razmatranje.

VI - Pitanja o Javnom pozivu

Ostale informacije u vezi Javnog poziva mogu se dobiti putem kontakt telefona 033778768 ili putem e-maila jasmina.banjaluickic@mladi.org najkasnije do 13.12. 2024. Naslov emaila u ovom slučaju treba biti UPIT_JLS NAZIV.

Dotadne informacije o Javnom pozivu, pozadini same inicijative i rezultatima koji se žele postići u narednim godinama u BiH na polju provedbe politika prema mladima možete dobiti i učešćem na online informativnim sesijama koje će biti održane 2.12.2024. sa početkom u 11.00 sati, te 9.12.2024. godine sa početkom u 11.00 sati (informativna sesija traje 60 do 90 minuta). Prijave za informativne sesije možete dostaviti putem linka https://s.mladi.org/JP_LZNM.

Kraj Javnog poziva.



Institut za
razvoj mladih KULT



MLADI.ORG